



## 'I Láthair' - Scéim Chónaitheach d'Ealaíontóirí

Clár atá á reáchtáil mar chuid de Phlean Gníomhaíochta Náisiúnta Ceithre Bliana 2025 – 2028 an Oireachtais, maoinithe ag an Roinn Forbartha Tuaithe agus Pobail agus Gaeltachta faoi threoir na Straitéise Náisiúnta d'Ealaíona Teangabhunaithe na Gaeilge

### Critéir Roghnúcháin

Déanfar measúnú ar iarratais ó chleachtóirí / ealaíontóirí ar spéis leo a bheith rannpháirteach sa scéim agus bronnfar an chónaitheacht ar chúigear bunaithe ar na critéir seo:

<b>CLEACHTAS EALAÍNE</b>
Gur ealaíontóirí iad i réimsí na dtaibhealaíon teangabhunaithe Gaeilge lena n-áirítear: aisteoirí, drámadóirí, scéalaithe, amhránaithe agus cumadóirí/cleachtóirí ealaíon béil lena n-áirítear lúbíní, agallaimh bheirte, filíocht, rap srl.
<b>CAIGHDEÁN TEANGA</b>
Taibhealaíontóirí a bhfuil Gaeilge ar a dtoil acu agus cumas oibriú trí mheán na Gaeilge i gcomhthéacs gairmiúil agus pobail.
<b>TAITHÍ AGUS/NÓ ACMHAINN FORBARTHA</b>
Tá an deis oscailte do thaibhealaíontóirí atá ag iarraidh cur lena gcleachtas gairmiúil, cibé staid dá gcleachtas ealaíne ag a bhfuil siad.  Ní mór d'iarratasóirí fianaise a chur ar fáil: <ul style="list-style-type: none"><li>• go bhfuil siad ag cleachtadh i gceann de na taibhealaíona teangabhunaithe; nó</li><li>• go bhfuil sé de chumas acu ardchaighdeán a bhaint amach i gceann de na taibhealaíona sin; nó</li><li>• go bhfuil cáilíochtaí agus/nó taithí c(h)uí acu; nó</li><li>• go n-aithnítear mar chleachtóir gairmiúil iad i measc a gcomhealaíontóirí. (Ní gá go mbeadh ioncam leanúnach acu óna gcleachtas ealaíne.)</li></ul>
<b>RANNPHAIRTÍOCHT PHOBAIL</b>
Go bhfuil spéis agus cumas acu dul i mbun oibre le pobail, le grúpaí áitiúla agus/nó le daoine óga agus iad ar chónaitheacht.

## **CUR CHUIGE COMHOIBRÍOCH**

Go bhfuil siad oscailte do chomhoibriú leis an ionad óstach, leis an Oifigeach Réigiúnach agus le healaíontóirí eile agus go bhfuil fonn orthu cur le forbairt na dtaibhealaíon teangabhunaithe Gaeilge i gcomharsanacht an ionaid chónaithe.

Go bhfuil siad toilteanach dhá (2) imeacht airneáin bunaithe ar an traidisiún 'Time' a reáchtáil i gcomhar leis an ionad agus le healaíontóirí eile a bhfuil Gaeilge ar a dtoil acu, ar chuireadh ón ealaíontóir cónaitheach agus ón ionad. Is faoin ealaíontóir a bheidh sé nádúr an imeachta seo a shamhlú agus a chur i láthair i gcomhar leis an ionad.  
(Féadfaidh an t-imeacht seo a bheith bunaithe ar ealaín thraidisiúnta nó chomhaimseartha.)

## **FÍS AGUS CUSPÓIRÍ**

Go léiríonn siad fís shoiléir don chónaitheacht agus tuiscint ar an gcaoi a gcuirfidh a gcuid oibre le forbairt na dtaibhealaíon teangabhunaithe Gaeilge taobh amuigh den Ghaeltacht.